

Pemulihan Majlis Tindakan Negara dialu2kan

BUKIT MERTAJAM. Selasa — UMNO Bahagian Bukit Mertajam menyambut baik langkah Perdana Menteri Datuk Seri Dr. Mahathir Mohamad menghidupkan semula Majlis Tindakan Negara dan Kementerian Pembangunan Negara dan Luar Bandar yang akan menjadi tenaga penggerak utama bagi mencapai matlamat Dasar Ekonomi Baru.

Ketuanya, Senator Ishak bin Abdul Rahman berkata, peranan Majlis Tindakan Negara akan memberi kesan yang besar terhadap program-program yang disusun bagi menjayakan matlamat dasar tersebut.

"Majlis Tindakan Negara juga akan mempercepatkan pencapaian matlamat Dasar Ekonomi Baru," katanya dalam satu kenyataan hari ini.

Beliau juga mengalu-alukan penubuhan semula Kementerian Pembangunan Negara dan Luar Bandar yang boleh memainkan peranan penting meningkatkan taraf ekonomi orang Melayu di luar bandar.

Beliau berkata, "dengan adanya kementerian tersebut masalah pembangunan di kawasan luar bandar dapat diberi perhatian yang le-

bih mendalam."

Dengan adanya kementerian tersebut, katanya lagi, usaha membasmi kemiskinan seperti yang ditetapkan dalam Dasar Ekonomi Baru akan dapat ditingkatkan.

Senator Ishak juga mensifatkan lantikan Encik Sanusi Junid sebagai menteri penuh di kementerian tersebut sebagai "kena pada tempatnya."

"Saya yakin Encik Sanusi akan dapat menjalankan tugas yang diberikan kepadanya dengan gigih dan didikasi," katanya lagi.

Sementara itu, UMNO Bahagian Bukit Mertajam akan mengadakan majlis kesyukuran perlantikan Datuk Abdullah Haji Ahmad Badawi sebagai Menteri di Jabatan Perdana Menteri pada Hari Raya yang kedua.

Bahan asal dari Arkib
Negara Malaysia